

PERSONALIA.
Des numehr in GOTT ruhenden seligen Herrn
Hoffmeisters.

[Hi v] [...] Der weiland WohlEdle/ Gestrenge vnd Vheste Herr Tobias Hübner/ auff Reipzig vnd Bräsem Erbgesessen/ wolverdienter Fürstlicher Anhaltischer geheimer/ wie dann auch Land- vnd Justitten Rath vnd Hoffmeister allhier Sel. Gedächtnüs/ ist auff der Freyheit zu Hall¹ in Sachsen/ im Jahr Christi 1578. am 6. Aprill/ früe Morgens zwischen 5. vnd 6. Vhren/ auff diese Welt geboren/ auch also bald hernacher/ weil er aus sündlichen Samen gezeuget/ und in Sünden empfangen/ durch das Wasserbad im Wort von oben herab wiedergeboren/ vnd durch das Blut vnd den Geist Christi von seinen Sünden gereiniget/ der Christlichen Kirche einverleibet/ vnd zu dessen Versicherung das Göttliche Siegel des Gnadenbundes empfangen/ dessen er sich dann beydes in seinem gantzen Leben/ also auch an seinem letzten Ende hertzlich getröstet.

[Hij r] Sein Vater ist gewesen der auch weiland Wohl-Edle/ Gestrenge/ Vheste vnd Hochgelahrte Tobias Hübner²/ zu Halle/ Frey- vnd zu Niederleben Erbsasse/ so dem hochlöblichen Fürstl. Hause Anhalt/ auch getrewe vnterthänige Dienste viel Jahr geleistet/ vnd bey Fürst Joachim Ernst³/ wie auch hernach bey gesambter Regierung Fürst Johann Georgen⁴ hochlöblicher Gedächtnüs Rath vnd Cantzler/ dessen hoher Verstand/ vornehme Gaben/ nützliche Dienste/ vnd insonderheit Christlicher eiffer zur reinen vnverfälschten Wahrheit/ welche er biß an den letzten Athem mit grosser standhafftigkeit vertheidiget/ also daß er auch vor in vnd nach seinem Tode/ von friedhässigen vbelberichteten Leuten deswegen angefeindet worden/ ist so wol hier als zu Hall/ vnd anderswo gnugsam bekant vnd berühmet/ also das vnnonnöthen zu dieser Zeit vnd Stelle weitem bericht davon anzuführen.

Seine Mutter war die WohlEdle vnd VielTugendsame Fraw Benigna/ Geborne Schultzin/ aus dem Hause Königsborn⁵/ des weiland WolEdlen/ Gestrengen und Vhesten Paul Schultzen/ von: vnd zu Königsborn (anfänglich Ertzbischoff Friderichs vnd Sigismundi⁶ zu Magdeburg Rath vnd Hoffmeister/ hernach dieses letzten/ wie auch seines Herrn Vatern/ Churfürst Joachims des Andern zu Brandenburg⁷/ [Hij v] auch sonderlich Keyser Ferdinandi I. Rath von Hause aus/ gewesen/ vnd in vielen wichtigen vnd angelegenen Sachen von höchst- vnnd hochermeldten Keyser/ Chur- vnd Fürsten (wiewol er jung/ nemblich im 44. Jahr seines Alters/ im Jahr Christi 1566. mit seines Herrn Ertz Bischoff Sigismundi grossen klagen gestorben) vor andern gebraucht worden) Eheleibliche Tochter/ welche in jhrem gantzen Leben sich nicht allein der Gottseligkeit/ Frömmigkeit und Wahrheit beflissen/ vnd also ein helleuchtender Spiegel aller Adelichen Matronen gewesen: Sondern auch jhre schwere Haußhaltung so weißlich vnnd klüglich geführet/ daß sie deswegen bey jedermännlich gutes Lob vnd Zeugnis erlanget.

Der Großvater vom Vater her hat geheissen Friderich Hübner/ der in Zeit der Dennemärckischen Kriegen wider Schweden sich lange brauchen lassen/ da er auch einen sehr guten Nahmen wegen seiner Tapfferkeit erlanget/ vnd an-